

司空表聖文集

二



司空表聖文集卷第六

一鳴集

碑

故鹽州防禦使王縱追述碑

夫爽貫五行繫星芒而騰列靈標萬彙挺人傑以降祥
式贊鴻鈞乃符玄感恒運網緼之化潛融橐籥之和然
而拂日貞松必生於喬岳環金重器亦鑄於洪鑪水積
厚而蛟鵬門愈高而容駟克蕃令緒固在華宗况自緱
嶺上征姬邦委馭代為著姓人不乏賢或濟美于參墟

或炳靈於沂水祥分鐵印系總旋

疑

璇源西晉殊勲則崇

連邸第北朝雅望則地顯官婚賂謀各著于神家致用
皆光其佐命朱輪華冕豈獨推恩甲令門風寔先種德
是資奕葉誰與提衡公諱縱字希聖太原祁人也曾祖
某譽合貴游跡追高矩冥鴻不失天爵適優祖勗皇任
潭州端氏縣令價重儒林行熟士範早推仁於宰字已
屬望于公台父載皇任樸校秘書少監贈少卿早振宏
猷雅多奇節自激封侯之志欲垂濟代之名位鬱于時

慶延其後宜鍾秀氣歷佐昌期公幼挺英姿夙彰傑操

雄

或作鎔

金入用百汰唯精建木標奇千尋自直稟說禮

敦詩之教蘊經文緯武之材欲紹家聲遂叅戎右研精

玉帳演秘金韜陰符必勝之機制于掌握敵國相吞之

策決在豪釐氣蓋三河聲高六郡長慶初以力戰拜兼

監察御史名藩振跡初加馭貴之榮憲府揚威更帖承

華之秩大和九年授河中馬步都知兵馬使別選材官

教成騎陣自茲出討所向無前開成中宰相鄭公肅允

偏鎮臨尤稱鑒畧仰賢有素授任不疑擢奏馬步都虞
候總中樞之劇務示列國之上卿喜動旌旗威生里巷
得人之盛他鎮罕儔會昌二年武宗以回紇累葉憑驕
緣邊扇酷久事埽平之計尤難將領之權既而蒲帥石
公雄投命濯征總戎出塞公為都知兵馬使捐家誓報
蓄銳別營虜陣猶堅軍鋒稍壯未振鼓行之勢空楷廟
算之籌公內決一奇中分千騎出徒間道擊若疾雷已
繼捷書方麾大旆豈俟排山之力乃成破竹之賀火烈

風驅震天駭地血滂大漠則頽洞長河巖積高山則亘
連絕塞單于傾種貴主還都克宣宗社之靈頓雪神祇
之憤腥羶盡滌氛祲皆消萬里長城允膺朝寄九重高
枕永殄國難批糠麟閣之雄孰為上將贊頌龍庭之績
彼獨何人上乃遣中貴人劉英侔賁詔慰勞自殿中侍
御史起拜兼御史中丞太尉李公久秉大權素無濫賞
儻非公論莫致驟遷又拜晉州司馬上黨興祚復提王
旅太原崇亂兼領郡符授沁州刺史外訓驍雄內蘇疲

蔡殊庸既顯善政亦間擢邢州刺史充本州團練使山東叛命積年人為難理公揣情設教俗乃驟移禮讓既行里閭相勉旋當謝疾莫遂乞留驛路未伸崔羅無愠志詎忘於憂魯言恐及於平吳久之拜右龍武軍將軍仍知事環翼宸居僉諧宿德剋煩荷于積獎罷淳情于竄名心膂所資貌貅自肅雖居中而持重每急病而讓夷宣宗皇帝以河隴陷戎祖宗遺憤將謀恢復翹注忠賢又屬鹽州守臣政失人和釁連羗部雅重專城之選

仍當錯節之難公簡在宸衷對於便殿伏波強記備述
山川充國勇行請圖方畧仍授鹽州防禦使檢校常侍
凋殘之後輯睦惟艱虜交未固於解仇漢爵已頒于款
塞兵農競勸夷夏肅齊既而間使行邊飛章言狀上乃
臨軒歎激累詔褒揚獨授中規希其重任繕魯州之堅
壘食力兼儲資隴右之威聲壚榛漸闢和薰曠俗惠洽
惇癯已彰拓境之勤即議疏封之賞方延渥澤別蒞雄
藩而運鬱時來福虧冥數連中峯而岳裂巖右將以星

沉色慘朝端悼深宸極雖荆州罷市衡紀屢遷而蜀郡
奉祠訶謠未息古之遺愛無以加焉咸通三年三月三
日薨享年六十八理命具存憂邊是切益勵鑿楹之誠
如傳鏤鼎之勲某月遷窆於某處祔先塋禮也地啟佳
城儀陳詔塋舞鶴既占於形勢謀龜乃兆於公侯封樹
增巖音英如在皆知世紀之必昌矣初大理府君娶于
隴西李氏追贈隴西郡太君簪組聯華蘋蘩頌義公實
為嫡嗣娶某郡石氏今封祁國太夫人四德兼崇六姻

推敬早貽芳于閨範宜應禱於河靈保是鍾祥成其鼎
貴五子長曰重章少稱豪爽深究韜鈴從擊匈奴著勞
盟府歷諸衛將軍終威州刺史次曰重簡今任華州防
禦使檢校兵部尚書朗拔逸羣惠和得衆左馮欽捷宏
略居多次曰重盈今任陝號觀察使檢校左僕射沉機
中濟雅量外夷撫寧西河鎮靜東道次曰重榮今任河
中節度使平章事明澄海鏡響震霜鐘體先覺以通奇
應旁求而騁績鉛銖王佐表映人宗自北府初授副車

即持戎律外師謀入危城勢挫四鄰閉境以相觀一柱
中天而獨立首排群議決策勤王賑贍諸都指揮突將
破連營以通西路質李弟而撫北軍同華既平關防盡
開繼納歸盟之衆遽成尅復之功羈制奸豪保安封守
而又處勞期迭推俸饒徒環築解城峻增閔壘舉無遺
策動必中機巨極底寧議勲殊等次曰重益勇而知義
和以秉謙履險不疑輸忠以竭以任子拜左千牛衛將
軍初先公之捐館也清塵未遠儉節彌彰產簿一握家

徒四壁太夫人保和安遺演訓擇鄰俾蹈前修皆能聳
構且及親之貴自古罕兼老萊則空耀彩衣多慙絳冕
潘岳則唯稱壽酒固乏鼎彝豈同大國進封高堂拜慶
劉加二驥荀併八龍相印師壇共觀畫錦金相玉映各
炫晨葩猶陳斷織之規寧軫倚門之念一女早適溫氏
致克和于鄉族亦稟教于母儀而又慈訓諸孫蔚為令
器亦升寵秩森列庭闈方傳帶礪之盟實冠古今之盛
夫力攘大患顯致陰功則必降祐于上玄紹熙口來裔

永夷堅敵累洽仁風果培樹善之基益凜勝殘之報司
徒相公以豐功繼志異政傳芳褒崇致感于漏泉紀述
欲先于表道謀刊懿烈辱命蕪詞合申起敬之誠敢避
非才之誚竊以祥源流裔文武爭謳家謀雖分靈根共
貫至公崇上宰績贊中興彼江右之蟬聯昔慙丕運我
晉陽之龜組今煥盛時綿祚層瀾盍雕豐砥銘曰
維德有融維賢克嗣禮法貽舉勲華命瑞雜躡芳塵紛
綸寶氣武烈披顯儒風橫被績茂佐秦名高輔魏繼祖

無忝圖徽罔墜

天臨我唐瑞降文昌驅崦逸發架浪雄張虹攄耀采電
震飛鉉英標激俗峻節凌霜研竒制變料敵推強量吞
巨壑威懾窮荒

申命寶臣允茲薄伐壯志逾勵沉謀獨決日逐偷魂天
驕浴血魚窮竄鼎蟻懼搜穴輶輶下碎挽搶上決利盡
長驅聲稜有截

我武惟揚我伐用張俾侯寵錫謁帝休光和如金石著

在旂常內司環衛外峻巨防通班石室進秩銀璫臨機
必斷視物如傷

兩地緝綏五原惠愛禦侮材難開疆計大日駐麾戈雲
橫出塞白虜迎降青羗自潰堯守益嚴資儲永賴轉軸
推輅揚旌委旆

禎融積慶祚表世仁綿休自遠啟映惟新茶茶令嗣濟
濟良臣名藩重寄暢敷文口

或補首字

門交華戟地鼓洪鈞

推忠致主履孝榮親

唐人呼小兒為茶茶或改作恭恭字非

潤接靈長勝資磅礴此兆松阡昔圖煙閣漢詔勝褒夏
卿薦渥林蔚逾繁源深不涸刊爾將來緬懷可作克濟
寵珍永延懿鑠

華帥許國公德政碑

奉勅撰

臣常跪讀貞觀政要伏觀太宗文皇帝即位之初每以
為將致治

一作沉

平必先仁誼在得賢而作人乃錫祚而

永延治古足徵格言可鑒豈不以化馴則易服威肅則
難齊者哉然政教初張德刑具舉文衰則削將獎也其

風必化武瀆則危將亂也其政必暴始於厚俗方克濟
和視今足以知昔矣聖唐照臨萬方輶軼三代固資天
力實廓帝圖神靈蓄不測之威正朔被無垠之俗皇帝
中興昌運丕顯耿光洞德澤於六幽雲蒸其潤仰徽明
于八表日煥其文內輔外藩而允諧上祗下肅而迺勸
太平之祉可固矣乾寧元年上因御便殿遂出鎮國監
軍使董重彥所奏前後將吏軍人百姓僧道等懇請為
其帥置生祠紀德政表章俾楊陟狀宣允衆情宰臣亦